

序

民國肇造十有九年歲次庚午仲夏之月余在省府掌理軍法
桂邨李紳飪以書抵余言重修邑志創於先生並蒙捐廉爲助
今志稿將成付印在卽願畀一言以弁簡端余不覺欣喜過望
回憶十六年夏奉省檄攝壽篆甫下車卽覓志書殘本遺編咨
不可得詢之父老僉謂邑志一修於明朝嘉靖間李令仰山再
修於遜清康熙間曾令文垣三修於乾隆甲戌間鍾令霖堂嗣
是以後雖經光緒間貝令蘊章黃廣文標發起重修煞費苦心
粗成稿本民國初年金令兆鵬繼貝黃遺志列爲三項要改之
一設局纂修乃一遭庚子之變擱未付刊一因金令他調無形
停頓年光荏苒時日遷延志書之失修蓋已一百七十餘年於
茲矣原版早已無存完本亦難尋覓余爲之憮然者久之夫邑
志者上分國史之支下匯家乘之源徵文獻考沿革備方域之
志辨土物之宜所以參稽得失助治理而正人心厚風俗而維
世道者胥於是安可任其漫漶遺佚而不爲之計耶乃與邑
中紳耆提議重修并先捐薄俸以爲之倡諸紳亦以修志之不
容再緩也均踴余議一致贊同爰邀集各機關各紳耆開會集
議商定辦法設立修志委員會於縣政府公推葉紳誥書李紳
飪翁紳詩彥蔣紳宗幹葉紳泉諸葛紳信暨余七人爲委員並
推李紳飪爲主任陳紳舉愷爲秘書常駐會中辦理一切而籌

劃經費則由余任之部署既定遂于十六年十月開始辦事釐訂章程斟酌體例搜求遺稿採訪逸聞分道進行井然秩然余甚樂之十七年五月奉令解篆來壽代余者則陳君士林也陳君爲余同鄉同宗且雅有世誼臨行之際眷眷以完成邑志爲託陳君亦慨然允諾曾不幾時卽以書成見告能勿快慰耶此志旣成則一百七十餘年間忠孝節義之事畧文物制度之變遷以及國體更新後之典章法度亦俱燦然羅列于其中上則爲國家正史所取材下則爲全邑家乘所會萃俾官是土者得以鏡治忽生斯土者得以知勸懲其裨益于治理人心風俗世道者蓋深且鉅也余故樂爲之序而識其緣始于此

壽昌縣志

卷首

序

二

金華大同印務局代印

中華民國十九年十月

日

國民政府財政部一等銀質獎章浙江省政府保安處第四科上校科長兼法規審查委員會委員軍法會審審判官全省剿匪指揮部軍法處處長前壽昌縣縣長浦江陳 煥謹

撰



序

夫山川奇杰之氣磅礴鬱積之所鍾必有畸士出於其間秉其貞固純潔之操以挽頑嚚頹薄之俗入水不濡入火不熱韜光斂響而无悶此其人感天地之靈淑蘊崇而發爲超卓之行固有非政教風俗所能轉移者語曰沃土之民不材瘠土之民嚮義然則地域之所繫豈細故哉間嘗聞浙東西多奇山水意必有魁傑奇偉隱逸沈淪之士欲一往遊焉而未果讀水經浙江東逕壽昌縣南自建德至此八十里中有十二瀨瀨皆峻險行旅所難縣南有孝子周大雅廬墓處則知山川之說爲不誣也民國十四年秋奉檄知壽昌縣事竊喜察其流俗訪其遺老一

壽昌縣志

卷首 序

三

金華大同印務局代印

償夙願焉不敢以不才辭受任一載民淳而政以簡習樸而事易成其父老懇摯而可親其子弟謹厚而就範信乎如其山川之勁秀矣前乎此忠義節烈者踵屬後乎此猶將敦學厲行發揮而光大之乎匪特浙省之望抑亦海內外圭臬也壽昌之有志舊矣自清乾隆十八年重修後今越百七十餘年矣余在任時倡議續修以事中寢病辭卸職猶未去懷前年邑士重申此議閱二載而事竣主其事者李君鼎丞也李君遜清選貢學識素優凡疆域戶口人物風俗其因革損益隆替繁落之故必能斟酌盡善翔實無遺余獨舉山川之說弁諸志端俾來者聞而興起云爾

中華民國十九年仲秋月粵東大埔楊富臣謹序

壽昌縣志

卷首 序

四

金華大同印務局代印

壽昌縣志序 并頌

周禮小史掌邦國之志後之縣志蓋昉乎此夷攷壽昌爲禹貢揚州之域自唐神龍初元置屬睦州垂今千二百餘年矣其舊志自乾隆甲戌邑令鍾沛纂修後百七十餘年之間貝令金任先後倡議重修均不果行洎乎陳前任煥力申前議勸設修志會以董其成委員七人皆地方知名士也新志成體例畧變而卷帙倍之展誦之餘竊喜採訪周詳搜羅宏富惜於琳琅滿目之中以囿於經濟未得各展厥長於舊制圖籍外加以新式統計或亦斯編之遺憾也歟脫稿之年常務委員李飪君語予曰閱時二載費千五百餘金行將付梓索一言以爲序雋不文且

壽昌縣志

卷首

序

五

金華大同印務局代印

於壽志無毫末之功茲以樂觀厥成不揣謏陋敢爲述其崖畧并綴俚語以頌之曰松山蒼蒼艾水湯湯登乎百籬之坪瞻乎百歲之坊洋洋乎大同之野茫茫乎常樂之疆竹栽四境紙賽江常煤饒西北品埒萍鄉吁嗟乎山青水秀物阜民康勝極四靈鍾碩老於一堂會遇七賢宜邑志之重光山川奇氣錦繡文章斯志慶成名山是藏崧中華民國十有九年之雙十節禹航潘紹雋識

序

修史難修志尤難然縣志志一縣之事諉其難而不修可乎哉
吾壽縣志自清乾隆甲戌邑侯鍾公霖堂纂修後迄今百有七
十四年光緒庚子貝邑尊達夫黃師組雲發起重修旋遭義和
團之變事遂中輟民國六年金知事翰助將志書列入三項要
政募款設局委蔣紳鍾翰董其事復因金公他調各區訪稿亦
未能如期送到隨又停止去夏陳味蓀先生捧檄長壽以志書
關係一邑文獻不可聽其廢而不修遂於四月間邀請士紳決
議組織委員會從事編纂且先捐廉以資提倡並公推銓爲常
務委員主持一切而以陳君子鈞襄助焉綆短汲深固辭不獲

壽昌縣志

卷首

序

六

金華大同印務局代印

迺陳公未二閱月旋解組去繼以今縣長蕭規曹隨積極進行
其明年六月吾壽百七十四年之文獻始慶告一段落噫太史
觀風亦收曹檜春秋載筆不棄邢邾蕞爾桂邨何嘗非國家領
土哉况民國紀元共和肇造國體政體同時變更實開四千年
來未有之創局河山猶是人物已非際此之時不起而採訪之
編輯之後之人將有執其咎者且邑志倡修於今三次意外波
折作輟頻仍以其數則過而以其時考之則可此次設會編纂
同人殆有不得已之苦衷故明知銓不學無文競以大義相責
而不許其逍遙局外也刻已脫稿縱不能上希作者而搜殘補
缺煞費苦心其亦大輅椎輪之意乎爰不揣謏陋畧記其緣起

以告來許時中華民國十八年之夏節也鼎丞李飪謹誌

壽昌縣志

卷首 序

七

金華大同印務局代印

原序

今天下海宇清晏聲教四訖幅員之廣遠軼前軌聖天子貽萬世無疆之業特勅廷臣輯大一統志爰下徵各郡縣志以備採擇予備員壽昌於是有纂修之役顧嘗試論之一統志者大海之匯郡縣志者百川之赴也溪流澗注奔入滄溟雖尺水無波固當脈絡分明開卷了了然而難言之矣壽昌故有志前明成於吾鄉仰山李公而本朝中州章含董公續之然篇牘殘失魯魚重疊猶有遺憾且自順治癸巳以來三十年事跡未經綴續更爲缺事予自惟才乏三長兼簿書紛紜詎遑從事敬延學博士及弟子員等參互考訂一正舊帙之訛復得廣甯羅公草稿壽昌縣志卷首序

壽昌縣志

卷首

序

八

金華大同印務局代印

一册并博訪輿論家乘以接後事爲卷一十有二爲門若干庶幾紀錄詳明得竊比於李董二公而仰副採擇之用矣或謂壽昌地狹而瘠民貧而嗇所誌之謂何予曰不然昔輶軒采風弗遺曹檜麟經特筆亦逮杞邾藐茲僻壤孰非職方版圖之內矧勲業文章若陳周司空唐李建州翁聘君宋胡吏部葉忠簡明徐中丞諸公等不一而足類皆彪炳史冊流譽千秋如之何可以不志夫陳詩納價觀民風察治否者在上事也一統志所由輯也徵文咨獻叢鎖細供去取者在下職也又各郡縣志所由修也誰謂涓滴細流不足以助河海之汪洋乎哉康熙癸亥菊月知壽昌縣事韓江曾華蓋書

原序

聖天子文教誕敷遠人慕義西域之自古未通者近率部落萬餘人稽顙闕廷獻琛請吏行且重越裳之譯繪王會之圖豈幅幘素隸職方而顧可無志以貽憾於闕畧乎壽昌爲巖陵枝邑東通省會西接三衢雖蕞爾一隅亦咽喉要地也舊故有志爲康熙癸亥所修屆今七十餘年簡冊未續事久恐湮且舊版自辛丑秋間爲祝融奪去片札無存而殘編故帙亦半爲風雨蟲鼠所傷新者未登棗梨舊者馴至零落文獻無徵採風莫應守土者所懼也余自己巳冬承乏茲邑下車伊始卽念切纂修旋因賑恤之役倥傯彌年簿書傍午校葺弗遑近喜俗阜民和案

壽昌縣志

卷首 序

九

金華大同印務局代印

牘稀少余旣樂斯土之淳而都人士亦安余之拙公庭餘晷思事編摩適捧憲檄亦以此爲囑此亦興廢舉墜之一大機也乃與博士先生陸君洎紳士輩謀設館從事仲春權輿越數月而繕寫竟非攘取前人成書據爲己有大約以舊志爲粉本而其體裁則撤而易之其含毫吮墨則磨礱而繩削之其癸亥以來事跡亦搜採而補入焉書旣成余竊爲綜核之不事藻采而該約悉歸繩度雖未敢遽云佳志然樸而不陋質而不俚亦可以酬名公鉅卿而供輶軒之披覽矣抑余猶有說焉壽昌邑志一修於前明嘉靖間李令海陽仰山再修於本朝康熙間曾令揭陽文垣二公皆粵籍也余以同鄉後進於前哲無能爲役乃從

百數十年後復踵而成之吾粵之從宦者於斯地若有前因而
余生長豐湖鶴峯間儼與松山艾水遙作於喁雖備員六載碌
碌無善狀然際茲車書一統得偕鄉先生弟子員等參互考訂
使邑乘有成以仰答皇上同文海內之盛典豈不休哉爰以語
諸陸君輩僉曰令君因載筆之役宣九重德意以播告州民固
賢大夫古義也敢不敬聽遂書以爲序時乾隆甲戌之秋七月
也特授文林郎知壽昌縣事加一級紀錄二次嶺南鍾沛書

壽昌縣志

卷首

序

十

金華大同印務局代印

原序

史有志有傳古稱作史之難無過於志所謂志者史記八書是也十七史中三國志南北史皆無志班范有志而不詳志綦難矣傳宜不虛美不隱惡足垂法戒若陳壽之佳傳魏收之穢史藝林譏之作史如是志縣亦然縣志雖僅一邑之事其體例均如前所陳建置沿革田賦戶口職官選舉之屬皆志也建置興廢何年地丁增損何代職官之爲令爲長孰昉其稱選舉之甲科乙科孰垂其典有能縷舉而言之者乎考索未詳沿訛踵謬俗語不實流爲丹青此志之難也傳則名宦鄉達儒林文苑諸門其事跡深患譾言泛語甲可移乙同於馬首之絡其字句則

壽昌縣志

卷首

序

十一

金華大同印務局代印

恐不經師匠信筆塗鴉非無文采酷無裁製其甚者又恐俚語方言空腹杜撰兔園册子徒佐笑資此傳之難也有是兩難志易修耶否耶聞諸前哲前明治德間蘇州修府志領其事者爲吳中鉅公書成而題其籤曰姑蘇志楊君謙一見手不開函斥曰不通遽擲還之前輩矜慎一字不許妄下如此奈何輕言修志哉壽邑故有志未修者七十餘年乾隆甲戌邑侯霖堂鍾公政成兩考四境和理以遊刃餘力修舉廢墜取舊志印本并哀數十年新事迹畀余三人從事余輩遜謝不敢當者久之而公則固以囑且曰君何患焉取舊志而考訂錯綜之譬有室於此拂其埃塵滌其器具使可坐臥可延賓客斯已矣何固拒爲余

輩不獲已一循公之教指勉爲卒業請公刪潤爰誌其起訖之
日月起於二月之下浣訖於五月之中旬今鏤板將竟公來索
序而余輩逡巡瑟縮之意固未嘗一日釋也爰述其緣起如此
當世大人先生試取而披閱之知余三人旣曉修志之難或鑒
其未嘗有毅然自謂吾能修志之心而不訶斥之則幸甚三人
者邑庠主教陸銘一邑人前縣令方暨謨廩膳生毛培也秋七
月望後十日書於志館之麗澤堂

壽昌縣志

卷首

序

十二

跋

修志難事也然亦不敢爲其難而寢事也壽志之不修有年矣欲修之而中輟者亦屢矣民國十有六年冬縣長陳公復事重修邑之人士無不樂爲之役陳公復捐廉以爲倡冀欲及其身而藏事無何不一年而解組余不才奉令承乏甫下車眷眷以完成邑志爲言余故不敢因其難而固辭爰踵陳公後備員纂輯惜平時屆訓政案牘綦繁未能躬與參互考訂卒賴委員諸公之旁蒐博采稽古考今閱十有四月而集其成余雖不能躬其役而樂其不畏難而竟陳公之志以垂不朽也於是乎跋其後中華民國十八年六月浦江陳士林

壽昌縣志

卷首

跋

十三

金華大同印務局代印

纂輯姓名

前署壽昌縣縣長浦江陳 煥

前署壽昌縣縣長浦江陳士林

現署壽昌縣縣長餘杭潘紹雋

常務委員李 飪

委員葉誥書

翁詩彥

葉 泉

蔣宗幹

諸葛信

壽昌縣志

卷首

纂輯姓名

十四

金華大同印務局代印

秘書陳舉愷

書記蔣鍾祐

校正李兆鴻

翁 柔

繪圖方仰賢

探訪城區諸葛任

曹誠修

仁豐陳宗舜

常樂陳舉忠

曲斗黃賢集

航川葉泉

大同翁鳳岐

永平程繼堯

四靈李樹芳

石屏翁謙

西華方仰賢

名譽採訪翁寬

方浩

李尙華

蔣灝

壽昌縣志

卷首

纂輯姓名

十五

金華大同印務局代印

葉如春

葉誥

傅汝舟

劉璣

郎均

劉景星

李仁達

吳維新

蔣潤

方楫

姜震

余懷

翁濤

程秉泮

王景良

汪俊森

翁文翰

唐舉舜

唐聲傑

說明右列名譽採訪員以送到稿件先後為次非此不

壽昌縣志

卷首

纂輯姓名

十六

金華大同印務局代印

敢濫登

壽昌縣志歷屆續修姓名

鄭 彧 履歷年代皆無考

明

嘉靖三十八年知縣李思悅 廣東海陽人

貢生吳 御邑人

萬歷

年教諭李世芳 江西南昌人

訓導葉 文 處州麗水人

訓導王大有 雲南蒙化人

清

順治 九 年知縣董 琪 河南嵩縣人

壽昌縣志

卷首

歷屆續修姓名

十七

金華大同印務局代印

康熙十三年知縣羅在位 奉天廣寧人 修而未成

訓導張 熙 杭州錢塘人

康熙二十二年知縣曾華蓋 廣東揭陽人

教諭張可元 金華湯溪人

訓導王芬先 紹興山陰人

貢生洪如琅 邑人

廩生毛可威 邑人

附生蔣士英 邑人

乾隆十八年知縣鍾 沛 嶺南人

教諭陸銘一

進士方暨謨 邑人

廩生毛培 邑人

光緒二十八年知縣貝蘊章 長洲人

訓導黃標 仁和人

貢生蔣祀培 邑人

貢生葉誥書 邑人

貢生張寶全 邑人

貢生方瞻德 邑人

廩生蔣鍾沛 邑人

民國六年知事金兆鵬 霍山人

壽昌縣志

卷首

歷屆續修
姓名

十八

金華大同印務局代印

局長蔣鍾翰 邑人

分纂蔣宗幹 邑人

分纂李飪 邑人

按本縣縣志自貝公發起重修迄民國六年又設局采訪均因
波折中止合併登明


壽昌縣全城圖

圖例

湖  寺  文昌宮  小學  會館  廟  縣黨部  縣治回  城路 




縣政府圖



北

圖全境縣



北

淳安界
遂安界

羅桐華

林村

新市

更樓鎮

仁豐區

石屏區

西

屏區

漢餘協

於場

翠溪

靈四區

曹溪

治縣

城區

建德縣
縣南

淳安界
遂安界

遂安縣衙

助溪

交溪

航川區

清潭溪

常樂區

大鎮
古城隍廟
古塔村邑

西溪區

永平區

大溪區

區

松坑溪

小區

曲斗橋

曲斗區

常樂溪

龍游縣衙

龍游縣衙

仁豐區



城區圖



北



大同區



北




常樂區





曲斗區



航川區





石屏區



西華區

壽昌縣志總目

卷首

序 凡例 纂輯姓名 圖

壽昌城圖 縣政府圖 縣境全圖 各區分圖

目錄

卷一天文志

星野 祥異 蠲郵附

卷二疆域志

沿革附表 四至 形勝附水陸道里 山川 橋渡 鎮市附坊

鄉都圖 村莊表 古跡 水利 城池

卷三食貨志

田賦 雜稅 特產 風俗

壽昌縣志 卷首 總目 十九

金華大同印務局代印

卷四建置志

衙署 倉庾 局所 場圃 亭閣 坊表

卷五秩祀志

丁戊祭 祠 廟 寺 庵 觀 院 殿 宮 壇 壝

墓 塚

卷六職官志

縣令 縣長 縣丞 主簿 典史 教諭 訓導 奉祀

官附 司法官 監獄 千總 警察 縣警隊 保衛

團 退伍兵附 名官附

卷七選舉志

科第 雜職 封蔭鄉飲附 學校畢業附學校表並各區學田 衆

省議員當選附戶口 教農商等會

卷八人物志

鄉達 忠義殉難附 孝友 儒林 文苑 隱逸 旌

義 厲賢 耆行壽民附冠帶附 列女貞女節婦賢母附 方伎

卷九藝文志

序 傳 記 碑 跋 詩 賦 歌

卷十拾遺志

佚聞 兵事 雜誌 屏山書院租額附

壽昌縣志

卷首 總目

二十

金華大同印務局代印

凡例

一建置沿革以叙明此縣之何代立何代罷何代復設爲主其典故與本邑沿革無涉者不敢混入

一史書有表昉於史記必先有序而後有表史漢皆然今於職官選舉兩志外如水利都圖等均本此指以醒眉目

一地丁雖有兩項然丁隨地派已屬一事乾隆志戶口併入田賦允矣但自改政後戶口實爲選舉之基礎故將戶口列入選舉門而以雜稅特產風俗歸之田賦逕改爲食貨志潮流所趨不得不爾非好爲紛更也

一職官姓名前志頗多闕畧今憑各區訪稿並參考府志辨明

壽昌縣志

卷首

凡例

金華大同印務局代印

時代逐一補入並注明見某氏譜或某氏匾其有府縣兩志姓名互異者則注某字作某一仍其舊蓋夏五郭公之意也

一前志選舉始於五頁中校畢業遞清給以五頁出身書畢業當自中校始其與中校相當者例得並書留學外洋者亦從該校程度書之以昭翔實

一乾隆志冠帶一目內分耆年力田書法未免繁瑣今總括之耆行而旁注其虛榮與鄉飲之附封蔭例貢監之附雜職名異事同俾歸簡括

一祀典載在令甲者邑宰舉行其民間私祭者不與然有其舉之莫可廢也今無論天神人鬼容納一門而以秩祀二字括

之

一廟諱爲一朝崇典然斷無強異代諱及前代之理國體既更此例當廢凡前志敬諱字樣遇有空格缺筆者令司書概爲增補

一自改政後縣劃爲九區都圖尙存坊鄉打破茲爲沿革起見照舊附書並將航川區索性收入事關變更區域不敢省文一方位以東南西北爲次道里以由近而遠爲次事跡以由前而後爲次稍免拉雜

一題詠詩詞有採入山川下者非好雜亂也恐觀者岑寂畧爲點染藉以引起其興趣

壽昌縣志

卷首

凡例

金華大同印務局代印

一諸史孝義傳在儒林文苑後今以忠義孝弟列前奉文建祠尊令甲也並以殉難附忠義後桀犬吠堯事同一律閱者諒之

一前賢李頻令武功刺建州皆卓有政績不僅以能詩名唐書列之文藝位置稍銷舊志相承列文苑亦欠公允今採入鄉達以頻公會奉祀鄉賢也名正言順阿私所好之誚庶幾免焉

一節孝前代有採及年在三十五歲以上者民國修正褒揚條例則以三十歲以內爲限茲遵斯旨不敢濫取並增賢母一目以資救濟其在修正褒揚條例未頒布以前者不在此論

一列傳不及生人且以事實爲主不爲溢美之談誠以蓋棺論定今昔相同試觀開元天寶前後判若兩人其他從可知矣
一史志藝文僅列篇目邑乘係全縣掌故非私家選本可比也然劉知幾嘗欲取詔誥章疏別爲類次茲謹師其意取其足以規風化備故實關利弊者部而錄之其波概從割愛
一歷屆修志續之而已此次國體政體同時變更實開四千年來未有之創局政治刷新改革隨之今鎔新舊於一鑪亦此意也且於一切新政展限採入俾後人有所藉手

一乾隆志不分門類僅載志目東鱗西爪稽考爲勞茲分天文等爲十門附列子目於其左庶按部就班便於披覽

壽昌縣志

卷首

凡例

金華大同印務局代印

一志與史異史有褒貶志則擇其善者而書之不敢貶併不敢褒訪稿具在差可自信

一引據史書必標書名以期可考如星野引史漢列傳引南史唐書之類不敢臆撰涉欺

一乾隆志終於甲戌迄今百有七十四年年湮代遠文獻無徵今茲所纂不過采來滿網珊瑚藉作一時之收拾增華踵事尙待後賢